

木門十四家詩集

下

八

113

907

40

50 55 60 65

413
907
40

履昌

祿園與一即名貢。号白玉。又蓬萊原正卿。南紀人。

花房仙交郭氏寄贈

賦春色滿皇州

帝里韶風應早年。上林春色逐時妍。瑞光曉吐樓臺日。
佳氣晴薰草木烟。北闕衣冠通主第。南山雨露近賓筵。
陽和此地歡無極。萬歲千秋戴舜天。

花發上林

青甸迎春日。上林萬卉芳。色交三月勝。粉妬漢宮粧。枝
弱韶風轉。影移白日長。鶯歌聞白道。蝶舞過千墻。覆蓋
雲烟爛。拂旗錦繡香。龍樓通雨露。鳳闕借輝光。因識物

萃盛年年樂未央。

同賦邊城落日

漢家天子事邊陲。征伐三秋破虜遲。風急烟光■大漠。雲低日色上高旗。芙蓉雙劍龍文動。科斗連營雁影移。金甲鍍衣須決勝。麟臺近拜羽林兒。

賦得霜隼下晴臯

霜威凋日夜。蒼隼下雲端。玉翮含風直。金眸待雪寒。翔鴻行豈易。狡兎避應難。虜掠誰能敵。雄飛萬里寬。

賦得飛來雙白鶴

紫闕銀宮道路難。雙飛仙鶴玉琅玕。春深錦幄霞空亂。秋動金星月徒寒。萬里風雲飛比翼。千年海嶽駐同歡。金光何日留顏色。羽駕試爲蓬島看。

賦霓裳羽衣曲

仙女月臺閭闔遙。玉姬雲鬢管絃調。千秋候節連鸞曲。萬歲迎觴接鳳簫。玉佩絳裙疑夢見。妍歌嬌舞使魂消。人間天上看相近。畫扇輕裳且莫飄。

詠雪

聯翩瑞雪滿山川。還勝芬芳豔綺年。銀樹雙雙天上出。

寶統一月中懸。水晶宮殿看爲晝。玉蕊峰巒問是僊。
爲想君王出遊苑。何時雕藻翰爭妍。

再步前韻呈白石

紛紛雨雪下江天。盈尺輝光應瑞年。寶燭樓前九枝動。
水精簾外百花懸。繞軒直逼銀河月。度水疑連太液僊。
欲識瑤臺誇麗質。爲觀翰墨吐妖妍。
縹緲龍雲起四天。霏微鶴雪照殘年。畫中草木千花滿。
鏡裏山河萬象懸。粧閣重重開玉女。珠宮往往見天仙。
江城獨有巴南客。詞曲何能競麗妍。

晴雪暉暉帶曉烟。金城曙色逼韶年。冰蕤綺綴入梅嬾。
玉絮銀條教柳懸。日上鸞墀憐粉鏡。雲飛鳳闕降瓊仙。
欲向上苑住花萼。豫將羣玉賞芳妍。

詠七家雪

侯家

侯家第宅勝金張。堂上雪飛歡未央。粉絮欲飄雲母帳。
銀花還拂水晶床。簾前綴月臨歌扇。殿裏隨風濺舞裳。
絳蠟金爐寒却謝。瓊筵畫閣夜方長。

山家

飄飄飛雪千巖暗。寂歷幽居一徑通。吐月林巒如屋裏。
出雲洞壑似門中。當牕折竹聲相近。臨水長松影若空。
自有仙山扶隱逸。何須萬里訪珠宮。

妓家

娼家金屋狹斜傍。映雪佳人出洞房。瑤瑁筵中寒未盡。
芙蓉帳裏晝猶長。金娥月樹疑分影。綵女仙雲且借光。
舞態嬌粧莫漫矜。飛來妬殺白霓裳。

酒家

酒家臘雪映青旗。臘酒留人白接離。脂粉學粧憐蜀女。
顛狂欲舞想吳姬。杏花村裏瓊甍滿。楊柳橋邊玉絮垂。
却勝子猷剡水棹。不勞山簡高陽池。

漁家

紛紜雨雪入漁舟。滉漾太虛含亂流。鏡水千重珠暗沒。
銀灣百尺影空浮。林東桂棹逢歸月。岸上蘆花不用秋。
向晚烟波千萬里。天邊疑是到滄洲。

獵家

渭陽獵騎乘時下。風勁平原雨雪摧。浩氣遙臨白羽動。
寒光直擁彫弧開。七星迎箭銀聲出。二窟傳緝土兔來。

甘雨亭叢書
論獲不愁前路晚。虎旗應向月中廻。

樵家

樵路縈迴啼鳥稀。羣山白雪晚霏霏。入林瓊葉半天下。
轉澗銀花滿地飛。伐木千巖聲自遠。穿雲一徑跡空微。
此中深洞逼仙境。石室山前欲不歸。

和白石中秋泛舟過牛渚寺

牛渚乘秋過。龍宮向晚開。地平楚盡天。入大江來。瑞
境隨潮湧。珠林逐岸廻。乾坤到銀界。雲霧接花臺。波動
金風落。夜涼鏡月催。豈聞多賦詠。難比謝公才。

和白石中秋韻

其一 泛舟牛渚

日沈碧水涵澄輝。秋拂青空雲物微。星漢槎凌雙岸落。
月宮桂吐滿輪飛。冰綃堪瞰鮫人室。玉佩欲飄僊女衣。
娛樂渾疑天上賞。蕭歌未可醉中歸。

其二 十六夜陪某使君宴

東面華軒敞夜輝。秋浮城闕夕烟微。芙蓉帳裏蟾光入。
翡翠簾前雁影飛。曲度清風飄玉樹。舞來白露點羅衣。
使君置酒俱良夕。應是金樽醉不歸。

其三 十七夜會藍田宅

海畔孤城草木稀。樓頭百里客心微。天低大嶽風雲急。
日落長江雷雨飛。坐上寒更傳夜柝。簾前曉冷透秋衣。
金罍玉碗且勞勸。高興非唯月裏歸。

其四

十八夜會秦子明宅。公注云。子明游官于豐州。秋間有歸思。五六句用之。

江上風烟送夕暉。夜愁暗向望中微。海門潮去雲鴻下。
天闕秋開月兔飛。尚聽武昌楊柳笛。未裁湘水芰荷衣。
三秋良夕幸須醉。萬里鄉心暫忘歸。

中秋聞永君陪宴因贈

用去歲白石韻

朱第鳳樓敞夕暉。燕開蘭席晚雲微。武昌秋泛金尊酒。
鄴水月隨華蓋飛。影透水精拂雲箔。光穿霜練促夜衣。
因君聊唱明河曲。非是西園裁賦歸。

十六夜江上看月。再用前韻。

月華二八挂清輝。玉宇深沈透紫微。雲盡唯看秋水遠。
天空不覺夜霜飛。更深漢水風飄佩。波起洛川露濕衣。
天上人間何若此。蘭樽桂酒未須歸。

贈井君美

天文星北極。地軸海東隅。休烈肇黎庶。丕承協典謨。百

川歸左界。四岳授雄圖。本有羆熊士。旣成龍虎都。兩觀臨綠水。萬雉洞高衢。甲第峙雲錯。殿門鬱帶紆。賈商行富麗。士女渾歡娛。鼎鑊刑長措。絃歌政更逾。已知非險固。尚聽想文儒。載藉好同德。朝廷訪匹夫。窮途誰鹵莽。仕路豈崎嶇。窳戚未逢晉。子胥初入吳。報書原似樂。負笈或同虞。金石當辭落。風雲入辨驅。傳經今古絕。揮筆鬼神扶。天上鳳毛異。海中鯨力殊。竒珍雙玳瑁。寶劍兩混吾。瓦礫非比玉。金鞭欲起駑。同袍幸聞道。接武殆遺愚。三寸雖猶在。九才復已無。原思貧豈病。司馬渴應蘇。不免乾坤濶。須知雨露濡。爲君歌一曲。千歲慰踟蹰。

賀井君美應甲藩之聘

赤帝御寰日。黃軒問道同。三正應曆象。四序轉鈞洪。社稷神伊嘏。禎祥天所崇。乾文拱象緯。地理紐華戎。朝野無賢棄。謳歌自歲豐。聲教千古改。禮樂萬方通。翼亮皆文武。登庸必績功。召周猶養老。岳牧旣開聰。青士函關外。金門碧海東。命龍班玉帶。封魯錫圭桐。整肅衣冠盛。赫輝邸第雄。英才徵鄴下。秀士在吳中。出入章華殿。登臨碣石宮。蓋飛漳水月。賦就楚臺風。虎嘯寧深谷。雄飛

卽碧空。雲天上。謁豁。雨露下。恩濃。愚昧知非是。俊髦良
不充。關西楊伯起。天下漢故公。炳煥詞章富。紛綸經義
隆。高歌霏白雪。敷藻落晴虹。思發鬼神泣。毫飛鸞鳳冲。
瓊瑤傳雅頌。金石起曹聾。齊國逢吳子。鄭門推馬融。聲
名已超絕。學術猶磨礪。本是文章士。豈知哲匠工。得朋
常討論。求我似童蒙。夙抱賈生志。其如阮藉窮。龍鱗失
雲雨。雀躍在蒿蓬。居世異窮達。締交在始終。請君聞此
曲。幸莫罪雕蟲。

君美嘗在東都。偶栽梅。封植已十年矣。乙亥孟春。
集會於其宅。因使各賦其梅。余感其耐久。且憶江
南之勝槩。於是乎賦。

十年花逢今日春。十年人非昔時新。人與花對能幾日。
不知今日花照人。昨夜夢度江南水。君家春色半相似。
與君置酒銷客愁。滿坐暗香吹雪起。

彥山二十景

午王靈廟

峻彼西嶽。以俯以仰。九州幸猶。川澤許許。於穆神庥。奄
肇下土。民之秉彝。時神之祐。

中宮呼鹿

上宮數千仞。半路凌紫氛。呼彼仙人鹿。往還不自分。朝遊中宮樹。夕飲清溪雲。借問王子晉。獨逐鸞鳳群。

圓通瀑布

瀑布飛來何壯哉。瓊崑瑤岳相喧豗。洪潭雷吼萬壑倒。六月雲門吐雪來。中有碧霄之杳竈。下有玉樹之瑰材。吾欲往從。道路險絕。隔塵埃。爭得晉代孫常侍。不知何日賦天台。

講堂明月

吾有一片月。亦聞掛此山。清光不可見。紺宇敢易攀。瑩同金世界。影分玉毫間。願言塵外想。登眺不知還。

掛笈紅梅

天花瓊樹對琳宮。萬朶深香染雪紅。爲報行人莫相掛。從來玉蘂不勝風。

華月坐石

盤勢雲根濕。空林歆翠屏。昔時人不見。今日水猶青。

雪舟假山

絕嶽無人境。中峯澹碧滋。龍雲觸泉石。鶴雪繞松枝。水

自天門落山從廬岳移。無由一揮手。渺渺青霞期。

報恩晚鐘

樹裏華宮翠疊。疎鐘遙帶斜暉。前嶂孤林鳥宿。西山一點雲歸。

雲母晴嵐

夕登雲母坂。山氣多翠微。因風互明滅。步步生入衣。不知空林下。但有俗塵稀。

斷橋杜鵑

如何子規鳥。亦聞斷橋路。月落孤村曙。草暗烟雨暮。因

記江南春。題此倍相慕。

竹臺洞天

東北竹臺路。躋攀紫靄披。陰陽互冥晦。林壑或逶迤。百尺冰崖外。千年石室移。飛蘿掛猿狖。枯木隱魑魅。泉聲落虎丘。雲氣隨。洞幽疑禹穴。松古似秦時。探討遂難極。咏吟亦在茲。丹丘覓仙者。爲我謝瓊芝。

含玉神泉

孤嶽東南玉屋泉。玉爲巖水幾千年。金潭近見虹霓飲。瓊液遙從河漢懸。支遁山中留寶錫。遠公林外濺珠筵。

已知石髓駐顏色。想像流霞接羽仙。右十二景。

長谷紅葉

伏檻林巒繞。紅飄丹壑間。霜風吹萬樹。秋色不堪攀。何人卜真隱。錦帶挂西山。

佐賀城樓

宿雨山半過。宿雲山上收。望望三百里。五城十二樓。秦樹睥睨曉。遠近隨指浮。城中亦相望。山翠空悠悠。

蘆屋平沙

洞庭七百里。千古稱其奇。傳此平沙濶。復從高嶺窺。波濤地軸近。月夜天文移。壯觀良應賦。何人摘藻思。

筑陽大溪

林外林頭夜火。溪南溪北漁舟。羣山萬壑幾轉。疑是山陰碧流。

蘇山烟霧

蘇山不可測。烟霧數千重。七日藏玄豹。千年訝黑龍。氛氳無定處。渺漫未爲容。獨有巢榕鶴。長棲第幾峯。

湯嶺積雪

西來湯嶽雪。崢嶸積素凝。光到大清。玉女芙蓉秋不落。

瑤池芝草夜猶明。人間絕勝九華闕。天上堪比二素城。
東海士峯爲應讓。月氏蔥嶺莫相爭。

防海風帆

畫鷁自蠻貊。翩如六翮翅。牙樯雲際落。錦席鏡中來。舟
入長天隱。影懸返照開。尋仙從此路。何日覓蓬萊。

雙峰夕照

東望豐山箭筈齊。依稀丹翠萬方迷。雙峰秀色何如此。
落日倒銜青壁西。

戊寅元日

嚴城鐘漏曉微微。上月芳辰淑氣歸。日出金門迎畫戟。
雲開玉殿捧朝衣。池頭柳色風前動。林下梅香雪後飛。
身在東平無寸補。青山好去掩荆扉。

庚辰夏。余竢罪南海。鬱鬱居一室。六月溽暑。中夜

不寐。因思江都舊游。以下南
中作。

男兒少小氣勃勃。古人可及道可達。江東才子多豪俊。
相遇交際不容髮。夜月追隨詩酒筵。春風走馬遊俠窟。
學劍豈可敵萬人。習射徒誇穿七札。十年功業竟不成。
徒爲白面一書生。口吐萬言皆糟粕。身守一經何營營。

由來方圓不同器。世上謗譽共轟轟。豈知一朝蒙嚴譴。
南竄窮荒路幾程。南中六月多毒熱。終日昏昏醉若醒。
倚人紀水家未定。帶經山田身自耕。丈夫遭遇皆有時。
一浮一沈自古爾。生涯窮通不足歎。唯恨親友無相期。
相思綠水又青山。夢寐杳然見容顏。緘書相傳君且慰。
猶能雙劍在腰間。

憶北堂

青門一別促行裝。久住東都似故鄉。匹馬朝嘶山樹綠。
孤舟夜宿海雲長。夢隨明月八千里。身竄窮荒天一方。
回首遙思倚門望。何事萱花發北堂。

寄竹圃兼呈東都諸友

花川牛渚月輪秋。秦女彈箏趙女謳。借問袁宏歸去後。
清光得似昔時不。

閑懷

放浪蓬頭客。佯狂絲鬢奴。心將流水遠。身與白雲孤。秋
月思瑤瑟。春風且玉壺。醉中無一事。試去學吹竽。

寄竹圃

秋風客子泣離羣。江上舊游尤憶君。南竄身隨紀川水。

東歸夢度葛城雲。天寒孤雁曉相問。月苦斷猿時一聞。
中夜緘書傳此意。別來相思坐氛氲。

詠碁

初銷宿醉罷高眠。一局楸枰欲午天。松下手譚玄尚白。
橘中坐隱日如年。幾人相對論奇正。一著千金尤後先。
清簟疎簾不知暑。閑餘賭得小山篇。

冬夜偶作

白屋青燈獨夜情。樽中有酒共誰傾。寒花十月無人見。
黃葉滿山聽鹿行。

原本冬夜
一作山房

冬日牡丹

舊作

珠臉瓊腮蘭麝裳。東皇宸渥先時芳。駕留芬月鶯應喚。
枝借韶風蝶未狂。雪重仙妃掩嬌笑。曉寒粉女帶啼妝。
瑤臺尤是春長在。富貴誰言上苑香。

示僧

南中作

天風昨夜雨花香。寶錫乘春下翠屏。雲近銖衣龍護鉢。
花開蓬座鳥聽經。禪成豈與世塵避。詩熟唯知風月靈。
東謁愧非玄度輩。醍醐肯許使吾醒。

青山春雨偶作

青山春雨外。綠樹暮雲邊。倚杖早梅雪。登樓歸雁天。清
亭移白日。明鏡借豐年。幸得村居僻。喜無俗事牽。

移居青山

江都非我土。林壑暫占閑。雲薄窓中樹。雪晴天外山。一
丘稱吏隱。斗酒解心顏。多病且應養。柴門終日關。

雪後和梨溪子韻

新卜青山宅。喜無俗者知。我來逢歲暮。君過立年期。萬
壑松濤落。半庭竹雪危。更羨爲幽興。村路不厭疲。

訪松浦源錄事不遇題壁歸

獨卧春風暮。鶯啼楊柳枝。復此遙命駕。徒爾塵外期。琴
書依素壁。草色上階墀。不嫌山簡醉。重來著接離。

和琴溪子晚江小雨

花嶼翠烟合。蘭舟容與來。半江新雨過。遠樹夕陽開。画
檝依深竹。釣磯濕翠苔。漁歌何處發。牛渚獨徘徊。

九日獨酌

朝回對花飲。秋色老林苑。黃花向人笑。相賞何太晚。

賦雪後早朝得晴字

暉暉霽雪映平明。萬戶疎鐘度禁城。光拂仙旗雲未散。

寒消天仗日初晴。金門問柳宜三月。畫閣驚梅渾六英。
且喜年豐添瑞氣。微臣未肯報昇平。

賦龍門桃花

龍門猶暢化。芳樹自披芬。錦煖浪三級。霞深春十分。仙
源勞問渡。台嶠徒尋雲。非借天工力。何添意出羣。

春日過向子林亭得歸字

烟霞締幽賞。琴酒未言歸。苔徑少人迹。柳條上客衣。興
酣晉山簡。鑿克漢機。坐久聞吹笛。梅花數片飛。

賦得燈

愛爾山齋夜熒熒。結作團酒醒。蕉雨滴。琴罷竹風寒。坐
久丁香大。更深金粟攢。通宵報何喜。唯伴漏聲殘。

武昌晚秋

武昌城闕此登臨。日落高樓海氣陰。雲擁江天鳧雁下。
潮生澤國龍蛇深。扁舟萬里歸家夢。孤劍十年報主心。
金馬由來陸沉者。不論丘壑無由尋。

寓懷

十年游寓客梁園。萬里雲霄志尚存。躡屐春風趨玉殿。
鳴珂日晚出金門。扁舟寧負滄洲意。孤劍未酬明主恩。

身在東平無寸補。折腰低面易應論。

杪夏晦題

金節旣徂暑。天清大火流。竹露侵衣冷。草蟲依砌幽。孤襟常惜夜。多病早知秋。明日西風起。應同斑女愁。

首夏

新林淺翠映衫衣。昨夜芳源雨下微。歌舞樓臺仙管溢。簾前落盡紫薔薇。

春夜聽笛

東風玉笛起誰家。微月沈沈北斗斜。曲裏不知春暗盡。

江南何處落梅花。

和梨溪子遊明畔

青蘿翳廻磴。聞君此路尋。山秋松風濕。地僻嵐氣深。物象頓相忘。泉石洗塵襟。仙侶如可待。白首問東林。

和春雨韻

遷鶯求友日。甘雨度江時。色僅柳前變。濕先草際移。青雲交莫忘。白首情何衰。前村春酒熟。應酌舊相知。

寒夜戲賦三絕。倣中唐宋明體。

高樓日落海雲長。南望關山是故鄉。客思安隨千里雁。

孤覓一夜度瀟湘。

右中唐體。

茅屋三間居卽穩。詩懷常不負清江。天工剩借畫圖手。
月寫梅花上帟牕。

右宋體。

孤鴻影斷楚雲秋。白紵高歌解夜愁。月出樓頭天似水。
風吹玉笛古梁州。

右明體。

中秋集翠亭賞月

銀海露濯桂花流。詩酒年年記此遊。相對樽前令人老。
清光不減舊時秋。

同和竹圃

從來林壑意。寄跡似山陰。客到竹風冷。秋來松月深。賞
因病裏懶。詩與醉中尋。飽得聞高調。露華已滿襟。

同

袁謝風流千古傳。清樽秋對月明前。淒風砧杵萬家夜。
故國音書群雁天。誰識佳期再相遇。不知清影幾回圓。
牛渚曾遊君記否。蘆花楓葉滿湖船。

同

玉樹金風夜。桂花白露秋。興從雲外發。身似月中遊。夜
靜孤螢急。天空一雁幽。還應歌管地。不若醉南樓。

同中秋詞

明月三五灩金波。天風吹桂夜香多。玉樓瓊戶空想像。
天上人間望如何。龍笙聲咽銀河橫。酒滴眞珠爲君傾。
人生歡娛願如此。月落西廊難爲情。

中秋和梨溪韻

安賞南樓夕。無奈今夜明。秋隨瓊樹落。月與玉人清。胡
雁風偏怨。豐鐘霜欲鳴。永言沈吟久。城頭北斗橫。

思梓山石處士

栖栖石處士。名以能書傳。一酒興何懶。三盃醉最顛。蕭
疎秋竹雨。蒼勁古松烟。逝矣樽中物。羞之不及泉。

辛巳元旦試筆

杯中臘酒暖初勻。且喜年光及逐臣。宿醉元非獨醒客。
故園猶似未歸人。眼看南國梅先發。夢入東風草又春。
傳語當時舊交友。江湖莫話有垂綸。

同元日

朝步荒原獨自悲。東風疎柳未搖枝。河邊白骨無人斂。
春去春來不竟知。

春日過九臯子山房

竹護禪龕梅卜隣。一聲啼鳥不驚人。孤雲片月西來意。
白水青山南住身。仙澗汲花茶始嫩。給園養果橘猶新。
非唯支遁林中勝。願得無生出世塵。

中元夜伏枕憶竹圃

長夏卧病浹新秋。况復瘴氣晚來流。楚客杜門何寫憂。
脚軟難作澤畔遊。澤國芙蓉越女粧。羅襪凌浪影又香。
蘭叢螢火逐清商。冰簟疎簾好來涼。螢火芙蓉空斷腸。
絳河白露夜如霜。此時青山含紫烟。此夕明月漸團圓。
明月青山似昔年。綠髮白髮何倏然。人生萬事莫問天。

心事欲寫疲腕力。古往今來幾太息。玉杯留飲清興索。
彤管久拋龍不躍。高枕贏得客夢數。飛去江東與君宿。

予病根深矣。雖知之不療之。今年自夏至秋。伏枕
于山閣。因題俚語數章。以易藥餌云。

先生好竒竒何在。竒到不竒十分竒。欲療先生病根處。
月寫紗窻梅一枝。

看看十日畫一水。大器晚成終有始。春風移來東籬菊。
秋雨曉霜醉玉蕊。

十日相煖一日寒。魔軍衝破功尤難。五申三令良將事。

七縱八橫到處安。孟子曰。一日煖十日寒之。是顛倒用之。予省守戒慎之工夫。然一旦觸事而心動。故云爾。

蓮湖賞月

荷花三百里。秀色落南湖。月露皆搖蕩。水天或有無。洛妃遺玉佩。仙侶下冰壺。笑傲醉中意。唯憐永夜徂。

秋興寄東都舊社

江東詞客舊風流。海曲逐臣悲獨遊。雁際雲橫葛城寺。笛中月滿武昌樓。蛟龍綵筆爲誰躍。鸞鶴瑤琴空自愁。兩處登高各堪賦。青雲孰若白雲秋。

和州五條十八景

寶永甲申仲秋作。

葛城夕嵐

葛城白雲凝不飛。磐橋神女見應稀。晚晴乍作翠嵐去。敢向人間入客衣。

高峰秋月

山似富士之狀。

群山未似此山崇。山勢人稱小土峯。積雪千秋好懸取。月開天外玉芙蓉。

大嶺積雪

往昔山靈驅石平。銀屏玉雪尚崢嶸。雲梯鳥道求無跡。

甘雨亭叢書
獨有仙人騎鶴行。

勢堂紅葉

風淒霜慘問秋過。秋到楓林秋最多。落日殘霞蕭寺暮。
逢人先見醉顏酡。

高取孤城

突兀飛樓傳壯觀。勢凌霄漢斗牛寒。退之得償滕王願。
試向江山揮筆看。

湯川遠村

湯川於古見名存。相望微茫烟靄昏。草樹千家時隱見。
馬頭先問杏花村。

芳野川筏

簿筏千章欲問津。落花流水杳無垠。篙師堪恨却堪羨。
送盡年年芳野春。

大善寺櫻

樹如虬龍之狀。

屈曲輪囷誰做工。滿枝香雪照琳宮。夜來送雨白龍老。
片片玉鱗飄曉風。

千早樵夫

冒霧伐雲身世閑。南朝風物夕陽間。樵夫不知廢興事。

一曲醉歌乘月還。

二見耕人

麥浪青青夏日長。耘耕手倦汗為漿。傍人問得老農意。世事忙於農事忙。

富山牧牛

憶似桃林曾牧牛。一羣牴犢飲清泉。長鳴幸免廟堂用。豐草深林自在眠。

犬飼驛馬

相送相迎知是誰。北來南去定何之。金鞍憑載春風去。為報隴頭梅一枝。

御靈古祠

聖武帝皇女。被讒死于此。地化為飛龍去。民因祭云。

一宮松栢肅陰森。萬古淑靈民所欽。湘瑟何須寫借怨。秋風明月帝鄉心。

茶山暝鐘

半山烟樹半川霞。風外疎鐘雲外鴉。無我聲聲帶春去。夕陽落盡寺門花。

城山夕照

石磴烟蘿雨後青。古城人去鹿空經。夕陽半嶺雲歸處。

白鳥斜橫雙畫屏。

井納涼 名水也

水精椀裏冷將凝。鏡月影團涼可乘。天上遙頒金掌露。人間偶見玉壺冰。

野原柴橋

束柴為橋。冬月利往來。

白沙翠瀨早寒催。霜壓烟橫未著苔。侵雪馬時尋跡度。探梅人暗帶香回。

牧瀨漁網

游魚新下蓼花秋。日落漁人集岸頭。絕勝松江一簑雨。

風流得似李鷹不。

和維馨詠十年梅韻

舊作

池館尋幽倒接羅。芳梅為賞向春移。寧辭東閣花前醉。不愆山陰雪後期。玉樹非關千里贈。瑤華且長十年枝。琴樽更有美人共。今日清香勝昔時。

官池春雁

金堤柳色氣初和。塞外雪消歸雁多。何若江湖未還去。雙雙猶浴鳳池波。

送環洲赴于播

甘雨亭叢書
青門春酒暫相留。送別長江落日愁。白雁雲隨千里路。
朱鳶星照五城樓。霜飛寶劍芙蓉老。月照金笳楊柳秋。
過馬明朝不堪去。相思明月滿吳洲。

奉寄竹圃

成子

歸鴻何處訴離羣。尺素相勞惟有君。鄴下元傳飛蓋賦。
湘流今定卜居文。落梅笛裏人如玉。芳草天涯夢似雲。
莫訝隴頭書信少。相思無緒坐氤氳。

奉答田君見問

望拜壇邊貴水濱。孤松爲友鹿爲羣。地連熊野遙臨海。

窻對龍門常鎖雲。樵路圍碁逢橘叟。石田種藥學桐君。

生涯應付一杯酒。依舊猶爲無用文。

予居在望拜壇東。有老松翳茅屋。龍

門山在居東一里。見于太平記。

望士峯

應竹圃田子之需作。

不死之山迥出羣。影涵滄海雪紛紛。芙蓉倒照中天月。
芝草長生萬古雲。瑤闕夜寒銀漢宿。香爐曉霽紫烟分。
何當絕頂御風去。披讀玉書金簡文。

天東一柱鎮神州。况望瑤臺白玉樓。雷雨乍過雲半腹。
海風不散雪千秋。壯觀始傳宋濂唱。仙跡只留徐福舟。

君鈞巨齧持寄我。載來三島與十洲。

右同田君賦。以寄于望仙樓主人。

奉和仲通見贈

交情寧論信音疎。管鮑相知誰又如。千里寸心勞別夢。
一封尺素慰遷居。雲埋葛嶺畫屏峙。月滿蓮湖明鏡虛。
記得天台携手處。題名醉向玉欄書。

久卧蒿萊與世疎。茂陵誰訪病相如。吳門烟月違同醉。
楚澤秋風問卜居。往事回頭渾成夢。交游屈指半爲虛。
喜君志強身康健。好爲故人時寄書。

田子羸

勝田養元號雲鵬。

秋夜邀白石先生於攀桂樓

小樓聊築市朝隈。灑灑疎簾隔紫埃。大嶽半邊當檻落。
長江一道抱城來。仰攀丹桂香應挹。纔採青蘋宴更開。
從是如叢歌可好。勸君重酌濁醪杯。

上元作

火樹高臨跪闕前。夜間巷靜遠相傳。龍燈九陌明如晝。
鳳管千樓沸在天。畫閣月懸開扇影。珠簾風度殷爐烟。
重關不鎖歡娛洽。拊舞更稱明主賢。

歲初作

壯麗雄州儲地禎。扶桑旭日瑞光晴。六齎雲捧蓬萊洞。
萬雉天開錦繡城。夜雨乍蒸花氣動。春風欲入柳條輕。
家家歡笑聲如湧。九陌謳歌唱太平。

送栢洞赴播州

高館張燈綠酒香。驪駒歌罷促行裝。笛聲秋恨關山月。
馬首寒生橘柚霜。落木江頭雙劍別。浮雲天外一鳧翔。
嶺南應有梅花發。千里懷人情正長。

槐夏初三會淮南亭分韻得新字

歲月蹉跎桃李辰。故園到日綠陰新。畫梁紫燕來尋主。
碧樹黃鶯啼送春。今夜琴樽邀翰墨。幾年書劍老風塵。
相逢休道珍羞少。柳絮池塘多白蘋。

滿空華月淨如練。碧紗窗外獨空見。乍憶黃鶴朱樓前。
應照金樽玳瑁筵。露下玉欄夜吐玉。風吹霧幌冰輪懸。
歡讌興闌看不足。坐客爭唱白紵曲。此時孤眠愁何極。
碧天明月同一色。紛紛世塵空相隔。迢迢對此寤又憶。
湘簾高捲不堪愁。薤葉碧簟涼爲秋。相思今宵翫一斷。
願逐流影照樓頭。

中元夜會賦新秋月

刻燭一寸。

稍變朱明律。先合白露秋。金風吹月至。銀渚帶星流。閨冷錦砧動。殿涼紈扇愁。客槎傳故事。應泛木蘭舟。

歲暮會鶴樓賦今日良宴會。

美酒高堂宴。爲忘遲暮愁。三冬將盡夜。十載此登樓。爐畔寒先去。甕頭春已浮。分陰堪可惜。况復餞年流。

賦得仙家鶴

秋色紫宮間。露凝清唳寒。天風吹玉羽。夜月照霜翰。伴鳳棲瓊樹。隨龍繞石壇。朝來鳴佩過。飛舞五雲端。

畫梅

冷豔一枝梅。春從畫裏回。瓊葩綴雪吐。粉蘂侵寒開。香借爐烟動。神歸燭影來。綺筵春永在。不愁笛聲催。

賦昭君怨

一朝辭玉殿。萬里向金微。沙拂紅裙起。雪飄翠袖飛。愁中胡地老。夢裡漢宮歸。空奏琵琶曲。相思淚濕衣。

和家兄新正韻

雲捧蓬萊雪。春浮花柳天。青旂迎上日。玉曆入新年。南斗靈光動。東關紫氣傳。堪歡具慶壽。共醉綵衣筵。

南浦別佳人

送君南浦草萋萋。唱罷離歌夕日低。望斷天邊行不得。
春風花裡鷓鴣啼。

和竹枝初韻

東風花暗若耶溪。西子宅前日欲西。春草萋萋春雨後。
子規啼斷鷓鴣啼。

閨中夏詞

繡房冒暑織殘機。粉汗輕沾羅帶衣。碧簟夜深涼似水。
空持紈扇撲螢歸。

織女近佳期

天上佳期秋色歸。多情却懶織殘機。盈盈一水纔相隔。
腸斷銀河鵲未飛。

鏡裏梅

香闥睡起髮鬢鬆。捲幔一枝鏡裏斜。疎影更憐粧閣後。
併看髮上步搖花。

舟中寒望得飛字

蘆葉霜枯遶釣磯。孤舟暮擁綠蓑衣。朔風吹落天邊雪。
白鷺洲前一鳥飛。

中秋泛舟

碧水微茫泛桂舟。菱歌暮起白蘋洲。青天月滿中秋夜。
銀漢槎通大海流。潮湧仙翁吹笛去。波明神女弄珠遊。
曉來零落寒如灑。醉倚長風披翠裘。

石貫卿

石原鼎庵。名學魯。號梓山。西肥人。元祿戊寅之春死。年四十二。

中秋

桂宮秋半蟬含輝。竟夕蘭堂徹九微。樓際鵬程懸玉鏡。
箏彈鶴唳怨金徽。雲中朗璞沈星漢。草上明珠璨夜扉。
更向廣寒尋帝跡。銀箋響處曙方歸。

題畫

楚雲湘水兩悠悠。明月清風共一丘。帆影秋高天外落。
白蘋紅蓼繞芳洲。

中秋

高唐雲雨妬姮娥。佳夕三年兩曠過。爲撥頑陰期快覩。
弗逢光霽廢狂歌。廣寒丹桂花生樹。坐上清樽夢屬柯。
幾處祈晴窺兔影。夜深疑有月華多。

辛未中秋

半宵涼雨夜何如。數望雲衢兔窟虛。刻漏深深梧影濕。
笙歌縹渺桂香疎。銀蟾棲處藏仙藥。老蚌胎時走電車。
倬彼昭回堪睥睨。願教風伯一相鋤。

岡達

岡島忠四郎字仲通號石梁賀陽人。

白石官定後奉寄

東閣正開子墨林。多年不負歲寒心。平臺高擁青雲色。
上國總知白雪音。檣笏殿門應數入。曳裾意氣莫相侵。
須知叢桂久乘興。爲問天台嶠谷深。

乙亥孟春白石東亭同二三子賞梅和秦貢詩引。
十年曾識歲華移。到處相逢報玉姿。客夢舊懸烟霧月。
官情新對雪霜枝。北人在坐寧須折。南客成吟轉耐思。
自是清香滿堂上。春風幾度爲君披。

壬午秋留別東都諸君。

雁聲南去仰遠空。永夜月明欄檻東。別後琴樽江水白。
途遙草木越山紅。一生唯有圖書伴。兩地應須音信通。
策馬爭先君莫怪。故鄉蓴菜已秋風。

病中書懷

卧病最愁歲月違。柴門况復客過稀。藥爐灰去火還冷。
藜榻疲來腰減圍。澗水夜深聲細細。柳條春半綠依依。
琴書明日吹塵讀。只惜青年感昨非。

和鼓缶子韻

閑步尋幽處。對君眼自親。琴書情有趣。肴核味兼珍。詩
賦風流在。興來杯酒頻。近檐交鳥語。傍砌動花唇。窻下
坐談舊。歸途醉爲呻。再會聞玄旨。心事兩無塵。

次韻酬鼓缶子

常怪千年計。人生駒影間。歸鄉惟感舊。避世豈偷閑。門
對風前柳。窻含雨後山。圖書情有樂。貧困意無艱。投我
詩兼賦。尋君往又還。自非蒙眷愛。何以一開顏。

牛房山記并詩。

白江之南。黃山之北。有一山。名牛房山。岷然鍾秀。實屋

山以南之勝也。長嶺蜿蜒形如卧牛。或曰上多生牛房草。故名。未知孰是。南則有梅洞。菊潭。篁洲而相連焉。其東則有蘭畹八九畝。至秋花發。乃香聞數十里。又有醱醱洞。春夏之交。其花與山映帶。自遠望之。鬱鬱然。葱葱然。若五色雲從蓬瀛歸。其間菖蒲九節。枸杞盈叢。竹之美。石之怪。珍禽來集。奇獸並走。四時變態。草木靈異。不可盡述。是乃隱逸所寓。神仙所托也。遠山六七里。西北之隅。有大竇。不知其深幾百尺。或有鍾鼎等物。出於其邊。野人徃徃有得之者。相傳千古。羲皇氏之民穴處。想是後人爲附會之說耳。或謂此則黃帝登仙之遺蹤。而東通鼎湖。又曰禹穴卽此。之北三里許。有紫塞堂。塞。載音同。紫恐四之訛。有時白氣升自其中。相牽接山。須臾之間。舒張四方。以致風成雲。龍興雷鳴。殷殷冥冥。膚寸而雨。亦得泰山之趣。石梁子徘徊其下。瘦體秀眉。披青裘。冠竹冠。手握道籙一卷。以誦之。踞石上而吸氣調息。時時來徃城市之間。人無知其壽幾千百年。庚辰之秋。西駕不識其所終。山靈爲之空云。

牛房山八詠

竹

百尺竿頭凝翠光。娟娟滴雨有幽香。可憐明月清風夜。霄漢只期來鳳凰。

梅

老樹嵯峨春月來。南枝依舊一花開。美人清立即如玉。道斷善哉又善哉。

酴醾

三撓可疑
酴醾滿架受風香。蛺蝶翩翩過短牆。色似黃金三撓嬾。誰吹丹竈日初長。

相風柳

竹陰日日卜薰風。憂悶何因慰客中。相柳動時心亦動。望鄉滿面淚痕紅。

蘭

紫莖可辨藥之方。綠葉采來經日香。遙慕古人堪作佩。避蟲還好入書箱。

石

奇石千年自出雲。南山雷起遠殷殷。冷霞洗髓石梁子。樹下坐來西日曛。

七
雨亭書
卷
七
栒杞

叢前犬吠伴神仙。天天朝來露夏妍。養氣充飢立少摘。
徐延吾壽幾千年。

月

東林吐月影蒼蒼。風起清涼吹我裳。相對舉盃思萬古。
何秋復此照藜牀。

新歲吟

臘雪全銷後。東風散彩霞。遷鶯調舌巧。垂柳學眉斜。聊
對憐春色。淹留感歲華。故園如可到。不厭萬山遐。

和謝惠梅韻

橫斜連白玉。况是滿清香。中夜高懸月。南枝獨占陽。移
來山驛外。照得水村傍。從贈相思客。詩成五色章。

偶題

韶色滿林春載陽。遷喬黃鳥嘯聲長。東風昨夜梅花夢。
吹入南枝心復香。

悼恭靖木先生

翰墨場中忽隕星。詞壇號令復誰聽。十年講習受明教。
一代師儒談舊經。學綜百家論最細。名流四海德俱馨。

堂前樹色春空在。風雨夜來吹淚零。

柳川謙朴許氏遙投惠海羊。並錄製方於封函。

聊作鄙詩三章。代簡以謝。

遠寄海茸從海濱。平安併至武城春。乘來堪作酒中伴。
洗去須羞堂上賓。儘怪奇形同犢角。便知珍味勝猩唇。
蒙君眷愛溫如玉。何以應能報美人。

分手橋邊六載回。江城此去幾崔嵬。碧雲迢遞人猶隔。
明月團圓客更哀。夢結曾遊千里地。眼穿遠望兩鄉臺。
聞君門下多桃李。好是春風定自開。

向岡邸第大城西。四歲寄居臨水溪。北海雲牽春夢遠。
東京霞映夕陽低。事師今日服心喪。交友當時與面稽。
難繼人生行樂處。何年小集盡情啼。

中秋

金風蕭瑟拂林東。明月飛光秋正中。北渚詠歌良友少。
南樓賞興故人同。新詩吟得題桐葉。濁酒朝來對菊叢。
還望鷺峰飄桂樹。梵宮高接廣寒宮。

送山基庸歸

秋風吹別客心寒。離席杯觴明月殘。鴻雁只今歸塞上。

故園到日報平安。

賦九月授衣

蕭瑟風高九月天。蕭霜滿目樹林乾。誰家弄杼曉來急。
何處擣衣秋後傳。窻下裁縫憐日影。手中針縷向燈前。
請君須識妾辛苦。莫問笙歌開綺筵。

中秋無月

青袍捧袂上南樓。辜負廣寒宮裏秋。霄漢雲深娥影暗。
梧桐風動雨聲稠。楚山抱璞下和泣。合浦徙珠孟氏憂。
清酒一樽開未酌。幾回睥睨送夏籌。

自和

久客懷歸王粲樓。年年春去又悲秋。倚欄待月三更冷。
傍砌聽蟲四壁稠。昨夜杳通鄉國夢。今宵難拂霧雲憂。
清光不假人間遍。徒對寒燈報曉籌。

偶作

塊然坐一堂。終日讀羣書。求友唯聞鳥。當食不得魚。寒
生疎雨裏。林暗落花初。次第催華鬢。莫徒歎歸歎。

元祿壬午四月二十六日。

大駕臨我藩邸。賦詩奉賀。

揚揚台旆出樓臺。絡繹金鞍萬騎來。路轉昌平沂水近。
節當小滿薰風催。東林積翠雨餘滴。西嶺寒光夏裏開。
彩仗高連楊柳色。門前光耀及輿儻。

中秋無月

窗外梧桐起雨聲。此宵辜負桂花明。風來唯聽關山曲。
露滴不看河漢清。催別江淹將有賦。倚樓庾亮更無情。
奈何萬里陰雲色。天上難開白玉京。

田信盛

岡田文藏號竹圃東
武人。從仕在南紀。

仙家菊得仙字

春雨新生種玉田。秋風初映煉金烟。天長明月爭輝冷。
地久醴泉浸影鮮。酒在人間傳九日。壽超世外引千年。
方知不是塵中物。異萼靈葩好伴仙。

九月十三夜對雨

雲雨溼濛沒素蛾。佳期兩月共蹉跎。孤燈影傍屏風淡。
點滴聲添漏水多。樓上衣濡人懶倚。江邊翅重雁低過。
今宵誰見清光好。欲逐仙槎到絳河。

佳人鼓瑟

星成粉靨月成眉。玉指纖纖推柱移。欲使人腸與絃斷。
艷歌一曲和來時。

秋海棠

佳人委秋草。翠袂掩羅綾。顏向清池照。粧銷香霧凝。風
寒睡未覺。露重力難勝。獨在闌干下。自憐無共凭。

和岳公十六夜

今夕清光好。都忘昨夜寒。雲晴暈初絕。星少影仍團。不
作尋常累。自知方丈安。高樓詩就後。乘興撞鐘看。

又

一更斷後倚闌干。一任西風徹曉寒。玉宇新晴雲葉淨。
銀河暗滴露華團。社論真僞交時結。詩費推敲意始安。
還恨平生離索遠。佳期况復不同看。

西瓜

西方嘉種孰相傳。氣味尤宜九夏天。碧玉壺中藏紫雪。
瑠璃甕底釀紅泉。峯峯蓮待金刀折。澗井冰浮銀鉢鮮。
何減漢宮雲表露。歛烝一洗骨將仙。

戲賦蕎麥麪

滿畦莠麥漸滋蔓。冷蕊皤皤不厭看。星照平沙連遠渚。
風翻滄海苦狂瀾。霜前結實三稜黑。秋後收莖數節丹。
粒米跳簷霰珠迸。粉塵出磨雪華漫。捏來掌上銀球轉。
掃去盆中栗玉墁。萬點飛花隨手落。一輪明月上盤團。
勢如車軸轟橋過。聲似馬蹄蹋櫪譟。切作素絲悲可染。
嚼成玉屑好堪餐。浮浮蒸氣玄冬暖。凜凜冰漿盛夏寒。
柚殼鑿金甘勝薺。葱根碎璧馥於蘭。正襟稱美辭情厚。
鼓腹貪多競量寬。七碗芳茶殊燥渴。十分清酒合交歡。
但遣人世足蘆腹。豈羨仙厨給鳳鸞。

賦雁勒江韻字二首。

秋風吹送幾羣鴻。相喚相呼過曉窗。白草露寒辭瀚海。
紅楓霜冷下吳江。瑤琴停影行成柱。篋笛和聲怨滿腔。
何事爲牽羈客思。夢醒孤枕對殘缸。

雁陣驚秋過碧空。湘江萬里水淙淙。心隨紅稻啄農畝。
夢繞黃蘆倚釣缸。呼侶聲從孤月落。失羣影與片雲雙。
翔南翔北渾無定。借問何攸是故邦。

癸未元日

金鷄鳴斷五夏天。朱邸迎新淑氣遷。東面柳條春色早。

南枝梅蕊暖光鮮。壽觴初賜朝參日。恩澤正沾強仕年。
公退椿花相對處。堪歡彩服戲堂前。

春雪映寒梅

東風吹雪不成堆。暫伴春光映玉梅。窗外滿枝添白動。
籬邊六出借香開。水精宮裏仙人立。雲母屏前美女來。
郢里高歌江上笛。併爲新曲欲相催。

松契退年

和歌題

千尋貞幹鬱森森。霄漢高凌晚翠深。仙鶴共看今古色。
主人同伴歲寒心。碧天雲繞護青蓋。清夜風來奏玉琴。

從是靜中猶得聽。退齡爲汝作知音。

後聞此作壽某公詩

十四夜

浮雲吐月已三更。雨後秋天光愈清。舊約難期明夜會。
新詩先適此宵情。妍妍池鷺應無影。啞啞城烏還有聲。
同學友朋皆異處。酒盃相憶獨慵傾。

中秋夜會鶴樓。尋十餘年舊盟。因次白石當初韻。

雨斷斜陽纔漏暉。東欄待月暮雲微。草殘庭際聞蟲響。
林靜樓前無鵲飛。風冷浪傳楊柳笛。露寒暗濕芰荷衣。
可憐砧杵飄空外。何處閨中愁不歸。

同席和白石韻

要看清影好。半夜未辭樓。宴罷飛黃鶴。賦成悲素秋。雲
遮三歲月。人共十年遊。魚水荷殊遇。君何嗟白頭。

十七夜

雲隔中秋過。風吹素月來。輪從前夜缺。明到此宵開。打
破誰家鏡。得懸仙子臺。休長對清影。白髮爲相催。

中秋夕記喜

秋半猶餘熱。高堂獨覺涼。應因集佳氣。况復浴恩光。何
恨月華沒。還攀桂樹香。寸丹思報主。不若燭心長。

甲申中秋無月贈喪配人

埋沒嫦娥影。寂寥玉鏡臺。淚應兼雨落。愁不與雲開。泉
下人何隔。夢中魂數回。春閨舉案日。追憶思難裁。

壽信山翁八十

今朝華誕掛蓬萊。胡廣八旬心力剛。天賜康寧酬德行。
地頒光景賦文章。東關望氣窺仙象。南極懸星見壽昌。
彭祖官榮三代舊。陶朱身退五湖長。碧桃偷得瑤池上。
金橘載來玉井傍。不啻閨闈偕老樂。且歡班彩戲高臺。

十七夜對月

天以三宵暗。一歸此夜明。桂開看不見。露落聽無聲。兔
照衰翁髮。娥摧寡婦情。莫言輪已缺。光徧滿寰瀛。

木芙蓉

水蓮花落半凋殘。更有芙蓉發木端。冷艷偏宜秋色淡。
輕盈自拒曉霜寒。風飄織女機中錦。露濕仙人掌上盤。
不與羣芳競春色。獨持晚節倚闌干。

木門十四家詩集終

書木門十四家詩集後

安中侯節山君收拾先儒著書之未經刊行者。陸續上
梓。積年之久。衰然成帙。蓋劬清人鮑氏知不足齋叢書
也。余家久藏木門十四家詩集。蓋臨寫白石先生手書
者。舉以示侯。侯一覽欣然。就請收入。乃命侍臣校訂一
過。致諸座右。亦聊欲助侯發潛德之美意耳。弘化三歲
次丙午黃鐘堀田紀正脩伯永識。

甘雨亭叢書

跋

五

書叢書第五集後

癸丑以來。屢有洋警。瀕海騷然。筆硯爲之都廢。至乙卯夏。寢屬無事。復修舊業。而又遭十月二日之災。爾時大地轟然。屏障皆撼。余急抽身出庭。則居室已破裂。乃假就園中。結屋居焉。風雨霜雪之夕。不能無慘然之意。較慰無聊者。獨雙棲之白鶴。與一輪之皓月耳。時聞其嘹唳。弄其皎潔。以澄我心。讀我書者。八十餘日。叢書第五集讐校適畢。可謂困厄中一樂事也。因思客冬。若使池魚之災。延及第宅。則積年所輯稿本。一旦歸烟滅。不如

甘雨亭叢書

跋

急刊以傳于世也。乃命剖刷氏刻之。世或譏為迂濶。固所不辭也。

安政丙辰上元日。板倉勝明書于小川街之賜第。

甘雨亭叢書總目錄

第一集

文公家禮通考

一卷

鳩巢 室直清

仁齋日記

一卷

仁齋 伊藤維楨

格物餘話

一卷

益軒 貝原篤信

韞藏錄

一卷

剛齋 佐藤直方

白石先生遺文

二卷

白石 新井君美

白石先生遺文拾遺

二卷

全

第二集

西銘參考

一卷

網齋 淺見安正

倭史後編

三卷

潛鋒 栗山愿

澹泊史論

三卷

澹泊 安積覺

湘雲瓚語

二卷

南海 祇園瑜

第三集

狼薨錄

三卷

尚齋 三宅重固

赤穗義人錄

二卷

鳩巢 室直清

烈士報讎錄

一卷

觀瀾 三宅緝明

附 萱野三平傳

大高忠雄寄母書

天野屋利兵衛傳 大石良雄自画像記

奥羽海運記

一卷

白石 新井君美

畿内治河記

一卷

全

芳洲口授

一卷

芳洲 雨森東

第四集

尚書學

一卷

徂徠 菽生茂卿

孝經識

一卷

全

孟子識

一卷

全

帝王譜略國朝記

一卷

東涯 伊藤長胤

東涯漫筆

二卷

全

奧州五十四郡考 一卷

白石 新井君美

南島志 一卷

全

赤穗義人錄後語 一卷

遜軒 大地昌言

修刪阿彌陀經 一卷

春臺 太宰純

助字雅 一卷

觀瀾 三宅緝明

第五集

孝經啓蒙 一卷

藤樹 中江原

足利將軍傳 一卷

十竹 佐々宗淳

東韓事略 一卷

彩巖 桂山義樹

琉球事略 一卷

全

弊帚集 二卷

潜鋒 栗山愿

木門十四家詩集 三卷

白石 新井君美

第六集

鳩巢先生書批雜錄 三卷

貞齋 鈴木重充

耻齋漫錄 二卷

省庵 安東守約

秦山隨筆 五卷

秦山 谷重遠

安中造士館藏板

安政三丙辰六月

京都 勝村治右衛門

大坂 河内屋喜兵衛

江戸 山城屋佐兵衛

Faint bleed-through text from the reverse side of the page, including characters like 大坂, 京都, and 江戸.

早稲田大学図書館

011888006380